

## IG Mitenang

Corona Virus XVI „Bim Gwafför bi ni gsässe ...“

Dä Morge, wo ni so vor em Spiegu hocke,  
bi ni gwüss bau, fasch e chly, erschrocke!  
E maskierte Maa lugt mi stächend aa -  
u ne maskierte Frou steit grad hingerdra!  
Si het es scharfs Instrumänt i ihrer Hang -  
mir wird's ganz“ anders“ u chly „bang“.  
Ke Angscht - es nume isch my Gwafföse  
wo mi vo Bart u „Strubu“ wot erlöse!  
E erste Schritt i die „normali“ Zyt -  
es chöme meh - es isch scho gly sowit!  
Mir wärde wider i de Beize dörfe hocke -  
im Freibad umeloufe - ganz ohni Socke!  
We mir vernünftig sy, hei mir's ir Hang -  
u chöi wider lache - mir aui „**Mitenang**“  
Aus het zwo Sitte, ou die Corona Krise!  
Lehre mer z'Guete drus, u tüe bewiese,  
das mir üsi Zukunft säuber wei gstaute -  
d'Ärde ab sofort wider besser verwaute!



Andreas Zingg

